


# Azoka BERGARA tzen



**Herri Eragileen lehenengo saioa**

**2014ko martxoaren 19a.**



Herri eragileen partaidetza lehen saioa izan da honakoa. Azoka Bergaraten prozesuan, Oxirondo azoka biziberritzeko ildoaren barruan dauden bi azpi-ildoetako bat, ekonomia lokalarenarekin batera.

Oxirondo azoka espazio publikoa den heinean, eta herrian egon daitezkeen behar desberdinak asetzeko baliogarria izan daitekeenaren abiapuntutik hasita, herritarrak bertara gerturatzeko balio izan dezakeenaren ustean oinarritzen da azpi ildo hau. Herrian musika, kultura, kirolak, argazkilaritza, arte eszenikoak, eta abarreko jarduerak dituzten talde desberdinei gonbitea luzatu ostean egin da lehen saio hau eragileen usteak, ideiak eta proposamenak batu eta elkarlanean, prozesuan txertatzearen helburuarekin. Bide batez ekintzak bertaratzeak azokako merkataritzari ekarpenak egin diezazkiokeela bistaratu.

## ▪ Nortzuk hartu dute parte bileran?

Hauek izan dira saioan parte hartu dutenak:

<b>Izenak</b>	
Nerea Mendizabal (Jardun)	Joseba Leturia
Blanka Jauregi	Itsaso Azkarate (Taun-Taun)
Miren Aranzabal (ASPACE)	Leire Iruin (Udal Zinegotzia)
Aritz Bikuña (ASPACE)	Nagore Iraola
Agustin Toledo (ASPACE)	Andoni Larrañaga
Pili Arin	
Aser Polvorosa	

## ▪ Talde dinamikan jasotako ekarpenak.

### **Apainketa**

- Azoka apaintzeko beharra dagoela adierazi da. Argazkiak, margoak edota bestelakoekin.
  - Tokia aproposagoa egiteko, espazioaren nolabaiteko banaketa posible egitea proposatzen da.

- Baserritarren postuak polit jartzeko ASPACEko kideak beraien saskiak uzteko prest agertu dira.
- Azokaren historia jaso eta mantenduko lukeen ekintza bat egitea proposatu da. Azokako postuen eta pertsonen argazkiak atera eta mural bat egitea proposatu da. Honekin batera herriko ofizioen eta dendarien historia ere batzea polita litzatekeela aipatu da.
- Erramu zapatuko ferian egiten diren txorimaloak, lehiaketa ondoren astebetetz azokan ikusgai lagatzea.

### **Espazioaren erabilera anitza**

- Jardun euskara elkarteak, herrian ekitaldiak egiteko tokien gabezia edo eskuragarritasun zailtasuna azaldu du, daudenak gainezka bait daude.
- Margolaritza
  - Jada norbaitek eskatu du margo erakusketa bat egitea
  - Margolarien txapelketa azkarra antolatzea proposatu da
- Antzerkia
  - Taun Taun antzerki taldea, bi urtean behin egiten den Helduen Txontxongilo mostran Azokako eraikina erabiltzearen alde agertu da.
  - Antzerki sketchak azokan txertatzea ekimen interesgarria izan daiteke jendea erakartzeko.
- Hitzaldiak
  - Herrikoak diren edota herriko gaiez jardun duten hainbat pertsonaiekin elkarrizketa publikoak egitea proposatu da. Hitzaldi antzekoak baina formatuari buelta bat emanez. Adibidez, Iñigo Alberdi (OSEko zuzendari ohia), Manu Muniategi (Arkitekto eta arte ederrak), Koldo Eizagirre (Angiolillo eta Monzonen inguruan liburuak dituen), Jesus Mari Lazkano (margolaria), etab.
- Musika
  - Zuzeneko musika ere txertatzea azokan
  - Musika eskolako ekitaldiak erakusteko aukera
  - Flash Mob antzekoa. Abeslari eta musikariekin azoka dagoen bitartean zerbait egitea.
- Kirolak
  - Herri kirolen erakusketa
  - Boccia kirola erakusteko prest ASPACEkoak
  - Hanka labankakoen patinaia erakustaldia
- Argazkilaritza

- Argazkilaritza taldekoek urtean bi lehiaketa egiten dituztela adierazi dute (Bergara Hiria, gai librearekin, eta Kirol Argazki lehiaketak). Gainera ikastaroak ere egiten dituztela adierazi dute, baina hauek Zabalotegin duten egoitzan egiten dituztela esan dute.
- Umeekin argazki rallya antolatzea proposatu da

### **Salmenta eta erakusketa**

- Ikastaroak salmentarekin uztartzea. Norbaitek zerbait egiten badu (eskulanak, jatekoak, etab) erakusteko ikastaroa antolatu bertan ere produktuak saltzeko aukera emanez.
  - ASPACE. Saskiak egiteko kit salmenta eta bai helduei eta bai aisialdi guneko haurrei erakusteko prest.
  - Maiatzean loren muntaia ikastaro eta lehiaketa.
    - Loraz gain, edozein materia begetalarekin edota birziklatutako materialekin egindako muntaiak. Sormena bultzatzeko ekintzak ere egitea.
    - Azokako hondakinekin eskultura efimeroak egitea.
  - Artisauak edota bestelako ekintzak bertaratu ezker, hauek dosifikatzea komenigarria dela aipatu da. Daudenak, urtean zehar aste gehiagotan banatzeko.
  - Kafe konpon ekimena azokan egitearena ere aipatu da, baina hasi berria den heinean oraindik ez dute oso argi ikusten. Horretaz gain, hilabeteko aste bakoitzean herri desberdin baten egitea ere aipatu da.
- Azoka bereziak
  - Udaletxeak antolatutako zuhaitz feria azokara gerturatzea.
  - Merkataritza mahaikoen ekitaldiak bertan egitea euria badabil (adibidez desfilea edota outlet modukoa)
  - Azaroan Jardunek egiten duen liburu truke azoka bertan egitea
  - Honekin bat liburuak laga eta hartzeko toki bat prestatzea
  - Jostailuen truke azoka egitea